



Босна и Херцеговина
Агенција за идентификациона
документа евиденцију
и размјену података



Bosna i Hercegovina
Agencija za identifikacijske/identifikacione
isprave/dokumente, evidenciju
i razmjenu podataka

Broj: 15-03-02-2-508/2013

Datum: 4.6.2013. godine

Na osnovu člana 61. stav (2) Zakona o upravi ("Službeni glasnik BiH", broj 32/02), primjenjujući odredbe člana 8. stav (1) tačaka i) i j) Zakona o Agenciji za identifikacione dokumente, evidenciju i razmjenu podataka BiH („Službeni glasnik BiH“, broj 56/08), direktor donosi

ODLUKU
o standardima o organiziranju privremenih lokacija za podnošenje zahtjeva za izdavanje biometrijskih putnih isprava Bosne i Hercegovine u inostranstvu

Član 1.
(Predmet)

(1) Ovom Odlukom donose se:

Standardi o organiziranju privremenih lokacija za podnošenje zahtjeva za izdavanje biometrijskih putnih isprava Bosne i Hercegovine u inostranstvu, kojima se definiraju procedure i pravila koje treba ispoštavati u cilju organiziranja privremenih lokacija za podnošenje zahtjeva za izdavanje biometrijskih putnih isprava Bosne i Hercegovine u inostranstvu (tzv. diplomatsko - konzularni dani).

(2) Standardi iz stava (1) ovog člana su sastavni dio ove Odluke.

Član 2.
(Organi nadležni za primjenu)

Standarde iz člana 1. ove Odluke dužni su da primjenjuju Ministarstvo vanjskih poslova Bosne i Hercegovine kao i diplomatska i konzularna predstavništva Bosne i Hercegovine u inostranstvu koji, kao nadležni organi u postupku izdavanja putnih isprava, organiziraju privremene lokacije za podnošenje zahtjeva za izdavanje biometrijskih putnih isprava Bosne i Hercegovine u inostranstvu.

Član 3.
(Usvajanje novih standarda)

Usvajanje novih standarda iz člana 1. ove Odluke vrši se u skladu sa utvrđivanjem novih međunarodnih standarda u oblasti identifikacionih dokumenata (ICAO 9303), donošenjem nove verzije istih u kojoj se utvrđuje početak njene primjene.

Član 4.
(Stupanje na snagu)

Ova Odluka stupa na snagu danom donošenja i danom stupanja na snagu ove Odluke prestaju da važe Standardi o organiziranju privremenih lokacija za podnošenje zahtjeva za izdavanje biometrijskih putnih isprava Bosne i Hercegovine u inostranstvu, broj 15-01-02-2-648/08 od 23.2.2010. godine, koji su kao Prilog 3. sastavni dio Standarda zaštite na lokacijama i preporuke za rad službenika nadležnih organa – verzija 2. od 17.8.2010. godine.

X

DIREKTOR
mr Siniša Macan

дигитално потписано / digitalno potpisano / digitally signed

